



Vogošća, ul. Jošanička, br. 80; tel: 00387 33 586 413, fax: 586 418

Broj: 09-41-1707/18  
Vogošća, 05.11.2018. godine

Na osnovu člana 69. stav 2. tačka tačka d), člana 70. Zakona o javnim nabavkama BiH ("Službeni glasnik BiH" broj: 39/14), i člana 71. i 125. Statuta Općine Vogošća ("Službene novine Kantona Sarajevo", broj 27/14-Prečišćeni tekst i 14/15), Općinski načelnik dana 05.11.2018. godine donio je

**ODLUKU**  
**O PONIŠTENJU POSTUPKA JAVNE NABAVKE RADOVA NA IZGRADNJI SPOMEN**  
**OBILJEŽJA I REKONSTRUKCIJI POSTOJEĆIH SPOMEN OBILJEŽJA ŠEHIDIMA I POGINULIM**  
**BORCIMA NA PODRUČJU OPĆINE VOGOŠĆA**

**Član 1.**

Poništava se postupak javne nabavke po Konkurentskom zahtjevu za dostavu ponuda za izvođenje radova na izgradnji spomen obilježja i rekonstrukciji postojećih spomen obilježja šehidima i poginulim borcima na području općine Vogošća broj: 09-41-1707/18, jer primljena ponuda nije prihvatljiva.

**Član 2.**

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama.

**OBRAZLOŽENJE**

Općinski načelnik je dana 16.10.2018. godine donio Odluku o pokretanju postupka Konkurentskog zahtjeva za dostavu ponuda za izvođenje radova na izgradnji spomen obilježja i rekonstrukciji postojećih spomen obilježja šehidima i poginulim borcima na području općine Vogošća, zajedno sa objavljivanjem obavještenja o nabavci i tenderske dokumentacije na Portalu javnih nabavki BiH dana 16.10.2018. godine pod brojem: 1353-7-3-122-3-73/18.

Tendersku dokumentaciju sa Portala javnih nabavki BiH su preuzela 4 (četiri) ponuđača. Krajnji rok za prijem ponuda je bio 30.10.2018. godine do 14:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 30.10.2018. godine.

Shodno navedenom Zapisniku sa otvaranja ponuda, Komisija za javne nabavke je konstatovala da je zaprimljena jedna ponuda, i to ponuđača "Geomax" d.o.o. Tešanj, broj int. knjige 268/18, sa ponuđenom ukupnom cijenom nabavke u iznosu od 48.175,59 KM bez uračunatog PDV-a.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponudu, u smislu provjere njene validnosti, s obzirom na iskazane zahtjeve Ugovornog organa u Tenderskoj dokumentaciji broj: 09-41-1707/18 iz oktobra 2018. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Detaljnim postupkom pregleda i ocjene ponude, Komisija za javne nabavke je utvrdila sljedeće:

Ponuda ponuđača "Geomax" d.o.o. Tešanj ne ispunjava formalno-pravne uslove tražene Tenderskom dokumentacijom i to:

- Tačkom 7.4.1. pod a) TD a u skladu sa članom 51. Zakona tražena je obrazovna i profesionalna kvalifikacija lica koja su angažovana na izvođenju konkretnih radova i to:
  - 1 (jedno) lice VSS VII stepen-dipl. ing. građevinarstva odnosno visoko obrazovanje prvog ciklusa (koji se vrednuje sa 240 ECTS bodova) Bolonjskog sistema studiranja-građevinske struke sa položenim stručnim ispitom i 3 (tri) godine radnog iskustva;
  - 1 radnik građ. struke, minimum IV stepen stručne spreme;
  - 1 izvršilac, minimum KV radnik građevinske struke-zidari ili kamenorezac;
  - 1 izvršilac, minimum NK radnik.

Tačkom 7.4.2. pod a) TD je traženo da se kao dokazi za radnike iz tačke 7.4.1. pod a) dostave sljedeći dokumenti uz napomenu da isti moraju biti originali ili ovjerene kopije i to:

- Diploma o završenoj VSS i Uvjerenje o položenom stručnom ispitu za jednog inženjera građevine (VII stepen) i dokaz o radnom iskustvu i radnom angažmanu, odnosno Diploma i Uvjerenje o položenom stručnom ispitu za visoko obrazovanje najmanje prvog ciklusa (koji se vrednuje sa 240 ECTS bodova) Bolonjskog sistema studiranja građevinske struke i dokaz o radnom iskustvu i radnom angažmanu,
- Diploma za jednog radnika građ. struke minimum IV stepen stručne spreme i dokaz o radnom angažmanu,
- za 1 izvršioca, minimum KV radnik građevinske struke-zidari ili kamenorezac potrebno je bilo dostaviti Diplomu/svjedočanstvo o završenoj stručnoj spremi i dokaze o radnom angažmanu,
- za 1 izvršioca minimum NK radnik potrebno je bilo dostaviti dokaz o radnom angažmanu.

Ponuđač "Geomax" d.o.o. Tešanj je u svojoj Ponudi (strana 31. Ponude) kao dokaz dostavio Diplomom za Mufida Husića, diplomiranog građevinskog inženjera. Također, na strani 34. Ponude dostavljena je radna biografija za Mufida Husića, kao dokaz o radnom iskustvu za traženog dipl. ing. građevinarstva.

Komisija za javne nabavke smatra da dostavljanjem radne biografije kao dokaza o traženom radnom iskustvu nije ispunjen uslov zahtjevan tačkom 7.4.2. pod a) TD, iz razloga jer je istom tačkom jasno precizirano da će ugovorni organ kao dokaze o radnom iskustvu i radnom angažmanu za sve tražene osobe iz tačke 7.4.1. pod a) smatrati izvode iz matičnih evidencija uposlenih (PIO/MIO), Liste osiguranih lica iz Poreske uprave-nadležnih ispostava, Potvrde-Uvjerenja izdata od strane poslodavaca, Ugovore o djelu, Ugovore o poslovno tehničkoj saradnji, a sve shodno tački 7.4.1 a).

- Ponuđač "Geomax" d.o.o. Tešanj je u svojoj Ponudi (strana 39-42 Ponude) dostavio ovjerenu kopiju Diplome o završenoj srednjoj stručnoj spremi za uposlenika Azema Spahića, građevinskog tehničara.

Komisija za javne nabavke smatra da dostavljena kopija Diplome nije ovjerena od strane nadležnog organa na ispravan način. Naime, ovjerena je samo zadnja strana Diplome, a obzirom da se ista sastoji od više stranica, bilo je potrebno ovjeriti svaku stranicu Diplome pojedinačno-između stranica, a prema zvaničnom mišljenju datom u Rješenju Ureda za razmatranje žalbi BiH-Podružnica Mostar broj: JN2-03-07-1-729-8/17 od 24.08.2017. godine.

- Tačkom 9.9.1. TD je propisano da će Ugovorni organ dostaviti na potpis izabranom ponuđaču prijedlog Okvirnog sporazuma, i to nakon isteka roka od 15 dana, računajući od dana kada su svi ponuđači obaviješteni o izboru najpovoljnije ponude. Prijedlog Okvirnog sporazuma je uključen u Aneks 8. tenderske dokumentacije ("nacrt"). Ponuđač je trebao samo potpisati prijedlog Okvirnog sporazuma i popuniti dijelove koji su ostavljeni prazni.

Ponuđač "Geomax" d.o.o. Tešanj u svojoj Ponudi (strana 61-65 Ponude) nije ispoštovao traženi zahtjev ugovornog organa iz tačke 9.9.1. TD, tj. nije popunio dijelove koji su ostavljeni prazni u nacrtu Okvirnog sporazuma-Aneksa 8 TD.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

Iz navedenih razloga, a postupajući u skladu sa odredbama člana 68. Zakona o javnim nabavkama BiH, Komisija za javne nabavke je jednoglasno dala preporuku Općinskom načelniku da donese Odluku o poništenju postupka nabavke radova na izgradnji spomen obilježja i rekonstrukciji postojećih spomen obilježja šehidima i poginulim borcima na području općine Vogošća, iz razloga jer primljena ponuda nije prihvatljiva, a u skladu sa članom 69. stav 2. tačka d) Zakona o javnim nabavkama BiH ("Službeni glasnik BiH" broj: 39/14).

**Pouka o pravnom lijeku:** Ponuđač koji je učestvovao u postupku nadmetanja može radi zaštite svojih prava, u roku od pet dana od prijema Odluke o poništenju postupka javne nabavke izjaviti žalbu. Žalba se podnosi Uredu za razmatranje žalbi BiH putem Ugovornog organa.

Dostavljeno:

- ① "Geomax" d.o.o. Tešanj
2. Nadležnoj Službi
3. U dosije
4. a/a

OPĆINSKI NAČELNIK

  
Edin Smajic